



UNIVERSITY *of* LIMERICK

O L L S C O I L L U I M N I G H

BEARTAS & NÓSANNA IMEACHTA MAIDIR LE COSAINT FOSTAITHE – MÍ-ÚSÁID MEISCEACH

Arna cheadú ag an Údarás Ceannais 26 Eanáir 2010

Maidir leis an doiciméad seo agus aon aistriúchán foilsithe oifigiúil de, is ag an leagan Béarla a bheidh an forlámhas i gcás aon easaontacht léirithe a éireoidh.

OLLSCOIL LUIMNIGH

BEARTAS & NÓSANNA IMEACHTA MAIDIR LE COSAINT FOSTAITHE – MÍ-ÚSÁID MEISCEACH

1. An Cúlra

- 1.1 Tá Ollscoil Luimnigh tiomanta timpeallacht oibre dhearfach, shláintiúil agus shábháilte a fhorbairt agus a chothabháil. Leis sin a dhéanamh tá forbairt déanta ag an Ollscoil ar Bheartas agus ar Nósanna Imeachta le freagairt a dhéanamh i gcás fostaithe a bhíonn i gcontúirt nó a mbíonn fadhbanna acu ó thaobh mhí-úsáid meisceach.
- 1.2 Faoi réir na bhforálacha sa bheartas seo tabharfaidh an Ollscoil tacaíocht do dhaoine ar an bhfoireann laistigh dá pobal a mbeidh fadhbanna acu a bhainfidh le mí-úsáid meisceach.
- 1.3 Is é an aidhm atá leis an mbeartas seo ná teacht roimh na droch-thionchair a bhíonn ag an alcól agus ag drugaí (ar a dtugtar meiscigh orthu le chéile) agus chun sláinte agus sábháilteacht gach fostaí a thabhairt slán.

2. Mí-úsáid Meisceach – Mínithe

- 2.1 San Acht um Shábháilteacht, Sláinte agus Leas ag an Obair sainmhínítear an téarma ‘meisceach’ mar ní a chlúdaíonn drugaí agus alcól agus aon chumasc drugaí nó drugaí agus alcól le chéile. Áirítear ar mheiscigh drugaí a bhíonn forordaithe agus drugaí nach mbíonn forordaithe. Cuireann an tAcht dualgas ar fhostóirí gníomhaíochtaí oibre a bhainistiú agus a sheoladh ar shlí ina seachnaítear chomh fada agus is féidir go réasúnach aon iompar, nó aon iompar ar dóigh, a chuirfeadh sábháilteacht, sláinte nó leas fostaithe agus iad ag an obair i gcontúirt. Cuireann an tAcht dualgas ar an bhfostaí a chinntiú nach mbeidh sé nó sí faoi thionchar meiscigh an oiread is go mbeadh sé nó sí sa chaoi agus go mbeadh sé nó sí ag cur a shábháilteachta, a shláinte nó a leas nó a sábháilteachta nó a sláinte nó a leas nó sábháilteacht, sláinte nó leas duine eile i gcontúirt.
- 2.2 Tagraíonn an téarma ‘mí-úsáid’ sa cháipéis seo do mhí-úsáid substaintí sícighníomhacha lena n-áirítear tógáil drugaí dleathacha nó mhídhleathacha nó glacadh alcóil a thabharfadh ar dhuine fadhbanna sóisialta, síceolaíocha, fisiciúla nó dlí a bhainfeadh le meisce, ró-ghlacadh rialta agus /nó brath an iomarca ar an substaint a bheith aige nó aici.

3. Ag Cur leis an Tuiscint

- 3.1 Aithníonn an Ollscoil an tábhacht a bhaineann le hoiliúint chuí a chur ar fáil lena chinntiú go dtuigfear agus go bhfeidhmeofar an beartas seo. Dá réir sin soláthróidh an Ollscoil sraith tionscnamh oiliúna le súil le cur leis an tuiscint, lena n-áirítear a bheith in ann iompair a thagann as mí-úsáid substainte a aithint go luath.

4. Idirghabhálacha

- 4.1 Aithnítear alcólachas agus andúil i ndrugaí mar mhíchumais chun críche na nAchtanna um Chomhionannas Fostaíochta. Is féidir cóireáil a chur ar fáil d'alchólachas agus d'andúil drugaí agus dá bharr sin ní dhéanfar idirdhealú in aghaidh fostaithe a bheidh ag fulaingt ó mhíchumas ar bhonn a gcuid tinnis. Tabharfar spreagadh go gníomhach d'fhostaithe a mbeidh andúil alcóil nó drugaí ag dul dóibh agus iarrfar orthu leas a bhaint as cúnamh gairmiúil. Cuideoidh saineolaithe Sláinte Ceirde na hOllscoile i gcomhchomhairle leis an bhfostaí chun soláthróir cúnamh gairmiúil den sórt sin a aithint. Faoi réir chomhairle shaineolaithe Sláinte Ceirde na hOllscoile beifear ag súil go rachaidh an fostaí i mbun cóireála agus go leanfaidh sé nó sí leis an gcóireáil sin.
- 4.2 Sa chás nach rachaidh fostaí i mbun cóireála nó mura leanfaidh sé nó sí leis an gcóireáil beidh sé nó sí faoi réir gníomh araíonachta lena n-áirítear cur as oifig más cuí.
- 4.3 Ní ligfidh an Ollscoil le mí-úsáid aon substaintí ar áitreabh Ollscoil Luimnigh ná ní ghlacfaidh siad léi agus leanfaidh gníomh araíonachta as drugaí a bheith i seilbh nó in úsáid ag duine (ach amháin drugaí faoi cheadúnas) ar áitreabh Ollscoil Luimnigh.
- 4.4 Sa chás amhras a bheith ann fostaí a bheith faoi thionchar alcóil agus/nó drugaí laistigh de scóip mhíniú Alt 2 den bheartas seo ní cheadófar dó nó di obair a thosú ná leanúint léi de réir mar is cuí. In imthosca den sórt sin féadfaidh Ollscoil Luimnigh leas a bhaint as Reacht Ollscoil Luimnigh ar Ábhair Araíonachta Fostaithe agus ar Fhoirceannadh Fostaíochta.
- 4.5 Aithníonn an Ollscoil sa chás go dtéann fostaí i mbun idirghabhála cuí le leigheas a fháil ar fhadhbanna maidir le feidhmíocht a bhaineann leis an obair de bharr mí-úsáid substainte go bhféadfar an próiseas araíonachta a chur ar fionraí ach forchoimeádann sí an ceart an próiseas a athshuíomh.
- 4.6 Tabharfaidh an Ollscoil, tríd an tSeirbhís Tacaíochta Fostaithe (STF) measúnú gairmiúil rúnda d'fhostaithe agus dá gcuid teaghlach agus agus tarchur le cúnamh a fháil chun réiteach nó cóireáil a fháil d'andúil nó do spleáchas nó d'fhadhbanna a bhaineann le alcól, drugaí nó andúil eile a bheidh ag déanamh dochair dá bhfeidhmíocht oibre. Tá

eolas faoi STF ar fáil ar láithreán gréasáin AD. Déileálfar le heolas faoi andúil a gheofar ó fhostaithe go hiomlán faoi rún.

5. An Nós Imeachta a Leanfar

- 5.1 Sa chás go nochtfaidh duine fadhbanna maidir le mí-úsáid substainte agus go lorgaíonn sé nó sí cabhair ón Ollscoil chun déileáil leo déileálfar leis an ngnó mar cheist leasa faoi rún.
- 5.2 Sa chás gur léir fadhanna maidir le feidhmíocht oibre a bhaineann le mí-úsáid substaintí féadfar tarchur a dhéanamh chuig seirbhísí cuí laistigh den Ollscoil nó chuig gníomhaireachtaí seachtracha agus tabharfar tacaíocht mar is cuí.
- 5.3 Má aithníonn bainisteoir fadhb nó má chuirtear ar an eolas é nó í faoi fhadhb maidir le feidhmíocht/araíonacht a mheastar baint a bheith aici le mí-úsáid substainte déanfaidh sé nó sí an fhadhb a phlé leis an mball foirne a bheidh i gceist ar an gcéad dul síos.
- 5.4 Má adhmaíonn an ball foirne, tar éis plé den sórt sin, go bhfuil fadhbanna mí-úsáide i gceist agus má aontaíonn sé nó sí cúnamh a lorg déanfar tarchur chuig an Rannán Acmhainní Daonna agus d'fhéadfaí gníomh araíonachta a chur ar fionraí.
- 5.5 Mura mbeidh an ball foirne sásta cabhair/cóireáil a lorg d'iompar a mheastar baint a bheith aige le fadhb mí-úsáide substainte leanfar ag déileáil leis an ábhar bunaidh ba chúis leis an ngníomh araíonachta faoi Reacht Ollscoil Luimnigh ar Ábhair Araíonachta Fostaithe agus ar Fhoirceannadh Fostaíochta.
- 5.6 Má éiríonn leis an mball foirne plean aontaithe gnímh a chomhlíonadh d'fhéadfaí gníomh araíonachta ar fionraí a chur ar ceal.
- 5.7 Má tharlaíonn tar éis plean gnímh a chomhaontú go dtéann an ball foirne siar ar an gcomhaontú forchoimeádann an Ollscoil an ceart filleadh ar ghníomh araíonachta a bhíonn ar fionraí nó plean gnímh nua a thosú de réir mar is cuí.